



## **ISUMAQATIGISSLUT**

Kalaallit Nunaanni Sulitssisut (GE)

aamma

Sulinermik Inuutissarsiuteqartut Kattuffiata

akornani

Tunisassiortut

aamma

Sanaartortut, VVS, Innaallagisserisut, Entreprenørerit

Nal. akunnermusiaqarlutik sulisut pillugit

**1. april 2023 - 31. marts 2026**

## Imarisai

§ 1 - Isumaqtigissutip imarisai .....	4
§ 2 - Piffissaq suliffik .....	5
§ 3 - Atorfilittut angalanermi saniatigut aningaaasartuutit.....	5
§ 4 - Atisat atortullu ajoquusernaveeqqutit .....	6
§ 5 - Uparuaasinnaatitaaneq .....	6
§ 6 - Akissarsiat tunniunneqartarnerat.....	6
§ 7 - Sulinngiffeqarneq sulinngiffeqarnersiutillu .....	7
§ 8 - Toqukkut qimataasut aningaaasarsiassaat.....	7
§ 9 - Napparsimaneq .....	8
§ 10 - Naartuneq, ernineq qitornavissiartaarnerlu.....	10
§ 11 - Qitornamik napparsimasoornermi sulinngiffeqarsinnaatitaaneq .....	10
§ 12 - Pisortanit toqqakkatut qinikkatullu suliassaqartitaanerit .....	11
§ 13 - Sulinngiffeqarnerit immikkut ittut allat .....	12
§ 14 - Aaqqiagiinngissutit kinaassusersiortumillu soraarsitsinerit .....	13
§ 15 - Sulisut sinniisoqarnerannik malittarisassat .....	13
§ 16 - Tunngaviusumik akissarsiat .....	13
§ 17 - Qaangiuttoornerit.....	14
§ 18 - Sapaatini nalliuuttunilu tapisiat.....	16
§ 19 - Nalliuuttuni ulluinnartigoortuni tapisiat.....	17
§ 20 - Piffissami nikingasumi sulinermut tapisiat .....	18
§ 21 - Paarlattarluni sulinermut tapisiat .....	19
§ 22 - Akkorderluni sulineq.....	20
§ 23 - Akkordersinnaannginnermut tapisiat .....	21

§ 24 - Sulinermik unitsitsinerit.....	22
§ 25 - Suliantoqquneqaratarsinnaanermut tapisiaq .....	22
§ 26 - Immikkut tapisiat.....	23
§ 27 - Soraarnerussutisiassanut akiliutissat taakkualu akilerneqartarneri .....	23
§ 28 - Soraarsitsinermik / soraarnermik nalunaarnissamut piffissarititat .....	24
§ 29 - Piffissaq isuma qatigiissutip atuuffissaa .....	26

## **§ 1 - Isumaqtigiissutip imarisai**

Isumaqtigiissummi matumani pineqarput:

- a) Lærlingit
- b) Sulisartut ilinniarsimanngitsut
- c) Sulisartut ilinniagaqarsimasut

Kalaallit Nunaanni Sulisitsisut Peqatigiiffianni Tunisassiornermi Sanaartornermi VVS & Innaallagisserisut Entreprenørinilu suliaqarfiusuni ilaasortat suliffiutaanni nal. akunnermusiaqarlutik atorfinittut isumaqtigiissutinullu allanut attuumassuteqanngitsut, matuma kinguliini sulinermik inuussutissarsiutilinnik taagorneqartussat.

**Imm. 2.** lærlingitut inersimasut sungiusaammik sulisut isumaqtigiissummi matumani ilinniarsimanngitsunut malittarisassat malissavaat.

**Imm. 3.** Sulinermik inuussutissarsiutillit lærlingitut ilinniagaqarnermik, EFG-mi ilinniagaqarnermik imaluunniit STI-mi ilinniagaqarnermik naammassinnissimasutut allagartallit, fagini allagartaqarfimminni suligunik sulisartutut ilinniarsimasutut naatsorsuunneqassapput.

**Imm. 4.** Sulinermik inuussutissarsiutillit immikkoortuni 2-mi 3-milu ilaatinneqanngitsut sulisartutut ilinniarsimanngitsutut naatsorsuunneqassapput.

**Imm. 5.** Sulinermik inuussutissarsiutillit tamarmik, qaammat ataaseq sinnerlugu atorfegarsi- masut pisinnaatitaapput atorfegarnermut uppermarsaammik tunineqarnissaminut, tassani allassimassalluni ulloq atorfinitifik. Atorfegarnermut uppermarsaammi allassimassaaq sulinermik inuussutissarsiutillip isumaqtigiissut suna naapertorlugu atorfegartitaanersoq.

## **§ 2 - Piffissaq suliffik**

Piffissaq suliffik nalinginnaasoq (piffissaq suliffissaatitaasoq) tassaavoq ullut 14-it ingerlaneranni nal. akunneri 80-it, taakkulu naatsorsorneqassapput ataasinngornermiit sap. akunnerata tulliani sapaat ilanngullugu. Allamik isumaqatigiissuteqartoqarsimannngippat, piffissaq suliffik sapaatip akunnerata ulluini siullerni tallimani tassaavoq nal. 06.00-ip aamma nal. 17.00-ip akornat arfinningornikkullu nal. 07.00-ip aamma nal. 14.00-ip akornat.

**Imm. 2.** Suliffiup pisariaqartitsinera aallaavingalugu piffissap qanoq ilinerani sulisarnissaq sulisorisat taakkualu sinnisaasa oqaloqatigereernerisigut sulisitsisumit aaliangersarneqartassaaq. Isumaqatigiinngitsoqartillugu SIK uparuaasinnaatitaavoq, takuuk § 5.

**Imm. 3.** Piffissap suliffissap iluani takkutinngitsoornerit akissarsiatigut ilanngaatigineqartas-sapput. Akissarsiatigut ilanngaassineq tassaassaaq nal. akunnerini takkutinngitsoorfinni suli-sup nalinginnaasumik nal. akunneranut akissarsiai kiisalu tapisiaqarsimappat nal. akunneranut tapisiai ilanngullugit. Nal. akunnerata affaa tikillugu takkutinngitsoorneq nal. akunnerata affaani sulinngitsoornertut nalilerneqassaaq.

**Imm. 4.** Atorfimmut atatillugu angalanermi piffissaq atugaq piffissatut sulinermi atukkatut ilivitsutut nalilerneqassaaq. Taamaattorli piffissap angalanermi atukkap taamatut naatsorsorneqarnerata kingunerissanngilaa ulloq taanna piffissamik suliffissaatitaasumik naammassinnissimanngitsutut isigineqarneq. Kisianni nal. 22.00-ip aamma 08.00-ip akornani angalaneq sulisoq siniffissaqartinneqarsimappat piffissatut suliffittut isigineqassanngilaq.

## **§ 3 - Atorfilit tutt angalanermi saniatigut aningaasartuutit**

Sulinermik inuussutissarsiutillit angerlarsimaffigisaminniit allamut aallartinneqarallartut immikkut akissarsitinneqartassapput Namminersorlutik Oqartussani kommunenilu tjenestemandit pillugit malittarisassat naapertorlugit.

## **§ 4 - Atisat atortullu ajoqusernaveeqqutit**

Atisat atortullu ajoqusernaveeqqutit Sullivinnik Nakkutiliisoqarfimmit fagini sulianilu assigiinngitsuni piumasaqaatigineqartut sulisitsisumit sulinermik inuussutissarsiutilimmuit akeqanngitsumik tunniunneqartassapput.

**Imm. 2.** Sulinermik inuussutissarsiuteqartoq pisussaavoq atisat atortullu ajoqusernaveeqqutit imminut tunniunneqarsimasut atussallugit.

## **§ 5 - Uparuaasinnaatitaaneq**

Illuatungeriit tunngaviusumik isumaqatigiissutaat 13. december 1994-imeersoq naapertorlugu SIK kattuffittut uparuaasinnaatitaavoq isumaqaruni ulluinnarni qaqqugukkut sulisarnissamik arfininngornikkullu sulinngittarnerup aaqqissugaanerannik sulinermik inuussutissarsiutililit kissaataat naammattumik naatsorsuutigineqarsimanngitsut, tamannalu suliffiup pisariaqartitsineranik naammattumik tunngavilersorneqarsinnaanngippat.

**Imm. 2.** Sulinermik inuussutissarsiutilik §§ -ini 3-4-ini aamma §§ 16-25-ini aamma § 27-imipisassarititanik pisinnaassanersoq nalornisoorutigineqarpat aammalu tamanna pillugu sulisut sinnisaat aqqutigalugu saaffiginnissutit naammaginartumik aaqqiiffiunngippata, suliassaq illuatungeriit tunngaviusumik isumaqatigiissutaanni malittarisassat naapertorlugin suliarineqarsinnaavoq.

## **§ 6 - Akissarsiat tunniunneqartarnerat**

Piffissaq akissarsiorfik ullunik 14-inik sivisussuseqarpoq, taannalu naatsorsorneqartarpoq ataasinngorneq aallarnerfigeriarlugu sap. akunnerani tulliuttumi sapaat ilanngullugu.

**Imm. 2.** Sulinermik inuussutissarsiuteqartup nalunaarutigissavaa Kalaallit Nunaanni Danmarkimiluunniit aningaaserivimmi konto akissarsiat nakkartinneqarfigisinnaasaat.

**Imm. 3.** Akissarsiat tiguneqarsinnaanngortassapput piffissap akissarsiorfiup naanerata kingorna sap. akunnerani tullermi tallimanngornikkut.

**Imm. 4.** Sumiiffimmi pissutsit patsisigalugit akissarsiat aningaaserivimmikontomut nakkartinneqarsinnaanngikkaangata akissarsiat nalinginnaasumik tunniunneqartassapput piffissap akissarsiorfiup naanerata kingorna sap. akunnerani tullermi tallimanngornikkut. Akissarsiat - checkinngorlugit tunniunneqarsinnaasut - piffissap nalinginnaasumik suliffiup nalaani tunniunneqartassapput. Sulinermik inuussutissarsiutillip akissarsiani tallimanngornikkut tigusin-naasimanngikkaangagit piumasaqarnera tunngavigalugu tunniunneqartassapput.

**Imm. 5.** Ulloq nalinginnaasumik akissarsiffissaq nalliuuttuusimagaangat akissarsiat ulluinnar-mi nalliuuttup siuliani kingullermi tunniunneqartassapput.

## **§ 7 - Sulinngiffeqarneq sulinngiffeqarnersiutillu**

Sulinermik inuussutissarsiutillit ukiumoortumik feriarsinnaatitaapput feriartarneq pillugu inatsisartut inatsisaat qaqugumulluunniit atuuttoq naapertorlugu. Inatsisartut inatsisaanni nr. 10-mi, 12. november 2001-imeersumi § 2 naapertorlugu malittarisassat immikkut ittumatuma kinguliiniittut isumaqtigisiutigineqarput.

**Imm. 2.** Sulinermik inuussutissarsiutillit pisinnaatitaaffigaat akissarsiarisimasat 12,5 %-iinik sulinngiffeqarnersiassanut katersinissaq, kisianni taakkununnga ilaatinneqassanngillat § 3 naapertorlugu aningaasarsiat, § 11 naapertorlugu ullormusiat kiisalu § 27 naapertorlugu soraernerussutisiaqalernissamut sulisitsisup akiliutai.

## **§ 8 - Toqukkut qimataasut aningaasarsiassaat**

Sulinermik inuussutissarsiutilik atorfeqarnermi nalaani toquppat uillarneranut / nuleerne-ranut qitornaannulluunniit 18-it inorlugit ukiulinnut sulinermik inuussutissarsiutillip pilersuisussaatitaaffigisaanut aningaasat ima annertussusillit tunniunneqassapput:

Suliffimmi tassanerpiaq ukioq 1 sulisimagaanni: Sap. akunnerini 2-ni tunngaviusumik akissarsiat nalingi.

Suliffimmi tassanerpiaq ukiut 2 sulisimagaanni: Sap. akunnerini 3-ni tunngaviusumik akissarsiat nalingi.

Suliffimmi tassanerpiaq ukiut 5 sinnerlugilluunniit sulisimagaanni: Sap. akunnerini 4-ni tunngaviusumik akissarsiassat nalingi.

## **§ 9 - Napparsimaneq**

Sulinermik inuussutissarsiutilik napparsimanini pissutigalugu suliamnik ingerlatsisinnaannippat tamanna akuerineqarluni sulinnginnertut naatsorsuunneqassaaq, aatsaalli pineqartoq sulinermini piaaraluneerluni mianersuaalliorujussuarluniluunniit napparsimalersimanngippat imaluunniit atorfininnermini peqqusersiornikkut nappaat pineqartoq nipangiusimasimappagu.

**Imm. 2.** Nakorsiarnermut atatillugu sulisup sulinnginnerani unioqqutitsinani sulinnginnertut isigineqarpoq, sulisorlu sulinnginnermini akissasiaqassaaq.

**Imm. 3.** Sulisitsisup piumasarisinnaavaa napparsimaneq nakorsap nalunaarutaa atorlugu uppernarsarneqassasoq. Nakorsap nalunaarutaanut aningaasartuutit sulisitsisumit akilerneqassapput.

**Imm. 4.** Nal. akunnermusialinnut, sulinermik inuussutissarsiutilinnut piffissaq naallugu atorfilinnut SIK-mut ilaasortaasunut napparsimanerup nalaani ullormusiaqartitsisoqassaaq, aatsaalli pineqartoq napparsimalinnginnermini sivikinnerpaamik ulluni malittuinnarni 30-ni atorfeqarsimappat.

**Imm. 5.** Napparsimanermi ullormusiaqarnissamut qinnuteqarnermi immikkut immersugassamik immersuinikkut qinnuteqartoqassaaq, immersugassaq taanna illuatungeriinnit akuerisaavoq, taannalu sulisut sinnisuannit atsiorneqartassaaq. Sulisut sinnisoqanngippata SIK-p immikkoortortaqarfianit taanna atsiorneqartassaaq.

**Imm. 6.** Ullormusiaqartitsisoqalertassaaq ullormit sulisinnaajunnaarfimmit siullermiit. Sap. akunneranut ullunut arfinilinnut ullormusiaqartitsisoqartassaaq, kisiannili nalliuuttut ulluinnartigoortut ilanngunneqartassanngillat. Qaammatit malittuinnaat aqqaneq marluk ingerlanerini amerlanerpaamik sap. akunnerini 26-ni ullormusiaqartitsisoqarsinnaavoq. Sulisinnaajunnaarnerli sulinerup nalaani ajutoornermik patsiseqarpat suli sap. akunnerini 13-ini ullormusiaqartitsisoqarsinnaavoq.

**Imm. 7.** Ullormusiaqartitsisoqarunnaartassaaq ullormiit sulinermik inuussutissarsiutilip sulilersinnaanngoqqiffianiit, tamatumani pineqartoq ingerlaannaq sulilersimannikkaluarpal-luunniit aammalu sulinermik inuussutissarsiutilik ajorunnaarnerminik nalunaaruteqan-ngitsooraluarpualluunniit. Kisiannili sulinermik inuussutissarsiutilik suliffigisami najugaqarfia qimallugu napparsimanermini katsorsartissimalluni sulisinnaanngoqqissimaguni, angalaner-mi aqqutissat pilertornerpaat atorlugit suliffigiminut uternissaata tungaanut ullormusiaqar-tinneqaannassaaq.

**Imm. 8.** Napparsimanerup nalaani soraarsitaanermi piffissap soraarfissap tungaanut ullor-musiat pigiinnarneqassapput, takuuk § 28.

**Imm. 9.** Ullormusiat kr. 110,00-inik annertussuseqarput piffissamilu akissarsiorfimmi akissarsianut ilanngullugit tunniunneqartassallutik.

**Imm. 10.** Imm. 3 – 8-nii malittarisassanut lærlingit ilaatinneqanngillat. Taarsiullugu lærlingi sungiusaammik sulinermi nalaani napparsimanini pissutigalugu sulinngitsoorpat nalingin-naasumik akissarsiaqartinneqassaaq. Pisussaaffik tamanna atorunnaassaaq lærlingi atasuin-narmik qaammatit pingasut sinnerlugit napparsimasimappat.

**Imm. 11.** Aaqqissuussineq sulinermik inuussutissarsiutilinnit ataasiakkaanit atornerlun-neqarpat, taakkununnga atortussaajunnaarsinnejqarsinnaavoq.

## **§ 10 - Naartuneq, ernineq qitornavissiartaarnerlu**

Sulisoq akissarsiaqarluni sulinngiffeqarsinnaavoq naartunermut, erninermut qitornavissiartaarnermullu atatillugu Inatsisartut inatsisaat sukkulluunniit atuuttoq malillugu.

## **§ 11 - Qitornamik napparsimasoornermi sulinngiffeqarsinnaatitaaneq**

Sulinermik inuussutissarsiutilik pisinnaatitaavoq qitornami mikisup ullormi napparsimaffiani siullermi paarsisussarsinissaatalu tungaanut akissarsiani annaanagit tamakkiisumik ilaanna-kortumilluunniit sulinngiffeqarnissamut. Tamatuma saniatigut sulinermik inuussutissarsiutilik qitornami 0-14-inut ukiullip illoqarfigisami avataanilu napparsimavimmut unitsinneqarneran-ut atatillugu ullut arfinillit angulligit akissarsiatigut annaasasaqataanngitsumik sulinngiffe-qarsinnaavoq kiisalu peqqinnissaqarfiup akiligaanik napparsimavimmut napparsimavimiillu angalaqataanermut atatillugu. Nakorsap inassuteqarneratigut /uppernarsaaneratigut meeraq angerlarsimaffimi uninngasussanngortitaappat sulinngiffeqarsinnaaneq periarfisiissutigineqarpoq.

**Imm. 2.** Qitornaasup ullormi napparsimaffiani siullermi sulinngiffeqarnissamut tunngavis-saatitaapput:

- a) meeqqap ulloq napparsimaffia siulleq,
- b) meeqqap pisariaqartitsineragut tamanna pisariaqartoq aamma
- c) meeraq angajoqqaamini najugaqartoq.

**Imm. 3.** Qitornap napparsimavimmut unitsinneqarneranut tamatumunngalu atatillugu angalaqataanissamut atatillugu sulinngiffeqarnissamut tunngavissaatinneqarpoq sulisitsisup tamatumanga uppernarsaavigineqarnissaa. Taamatuttaaq tunngavissaatinneqarpoq sulinermik inuussutissarsiutilip sulinngiffeqarnissaq sioqqullugu suliffimmi sivikinnerpaamik ukiumi ataatsimi atorfeqarsimanissaa.

**Imm. 4.** Immikkut illuinnartunik patsisissaqartillugu nakorsamillu uppermarsaatilimmik, qitor-nap napparsimavimmut unitsinneqarneranut atatillugu imaluunniit angerlarsimaffimmi uninngatitaanerani sulinngiffegarneq ullut tallimat angullugit sivitsorneqarsinnaavoq.

**Imm. 5.** Aaqqissuussinermik tassannga atornerluisoqartillugu sulinermik inuussutissarsiutillit ataasiakkaat periarfissamik tassannga arsaarneqarsinnaapput.

**Imm. 6.** Sulinermik inuussutissarsiutillik akissarsisinneqassaaq ullormi pineqartumi piffissap suliffissap nalinganut nalinginnaasumik nal. akunnermusiaasa nalinginik.

## **§ 12 - Pisortanit toqqakkatut qinikkatullu suliassaqartitaanerit**

Sulinermik inuussutissarsiutillit akissarsiaqaratik sulinngissinnaatitaapput toqqakkatut qinikkatullu suliassat makku pisariaqartitsineq naapertorlugu isumaginissaat siunertaralugu:

- a) Kalaallit Nunaanni Inatsisartunut ilaasortaaneq,
- b) kommunalbestyrelsemut nunaqarfimmiluunniit aqutsisunut ilaasortaaneq,
- c) ilagiit sinnisaannut ilaasortaaneq,
- d) atuarfimmi aqutsisunut ilaasortaaneq,
- e) kredsdommeriuneq,
- f) eqqartusseqataasartuuneq,
- g) illersuisuuneq,
- h) kommunefogediuneq kiisalu
- i) qinikkatut/toqqakkatut suliassaqartitaanerit allat, pisortaqarfinnit oqartussaasunit  
SIK-p immikkoortortaqarfiini siulersuisunut ilaasortanut imaluunniit SIK-mi siulersuisuunernut ilaasortanut suliassiissutaasut.

**Imm. 2.** Imm. 1 malillugu suliffigisamiit qimagusimaneq piffissami suliffiusussaagaluami qaangiuttoornersiaqarfissaq sioqqullugu pisoq sumiginnaanertut isigineqassanngilaq.

Peqannginnissaq sapinngisamik piffissaalluarallartillugu sulisitsisumut nalunaarutigineqartassaaq.

### **§ 13 - Sulinngiffeqarnerit immikkut ittut allat**

SIK-p aamma SIK-p Inuusuttaasa ilaasortai akissarsiat pigiinnarlugit sulinngiffeqartinneqartassapput SIK-mi siulersuisuunernut ilaasortanut SIK-p siulersuisuunerisa ataatsimiinnerinut atatillugu ukiumut ataatsimiinnerit sisamat angullugit.

**Imm. 2.** Qanigisat napparsimarulunneranni, toquneranni imaluunniit ilisaaneranni sulinermik inuussutissarsiutilik ullaarfineq pingasut angullugit akissarsiaqaatigalugu sulinngiffeqarsin-naatitaavoq. Akiliunneqarluni angalanissamik akuerineqarsimasoq, tak. imm. 5, siumut utimullu angalanerni ullunut marlunnut akissarsiaqartinneqassallutik.

**Imm. 3.** Qanigisatut isigineqarput: angajoqqaat, aapparisaq katissimasaq taamatulluunniit isigineqartoq, qitornat qatanngutillu, kisiannili aapparisap katissimasap taamatulluunniit isigineqartup ilaqtai pinnagit.

**Imm. 4.** Sulisoq sulinngiffeqarallassaguni, tak. imm. 2, aammalu akiliunneqarluni angalassaguni, tak. imm. 5, sulinermik inuussutissarsiutilik sulinngiffeqarallarnissani akiliunneqarlunilu angalanissani sioqqullugu minnerpaamik qaammatini arfinilinni suliffeqarfimmi suliffeqareersimasariaqarpoq. Sulinngiffeqarallarnissaq, tak. imm. 2 aammalu akiliunneqarluni angalanissaq, tak. imm. 5, allakkatigut sulisitsisumut qinnutigineqassapput.

**Imm. 5.** Qanigisat, takuuk imm. 3, napparsimarulunneranni toquneranniluunniit upernarsaatilimmik qinnuteqareernikkut, nakorsamit allagartamik imaluunniit toqunermut allagartamik il.il., sulisartoq suliffimminnit qanigisap napparsimaruluttup toqusulluunniit Kalaallit Nunaanni Danmarkimiluunniit najugaanut akiliunneqarluni angalatinneqassaaq.

**Imm. 6.** Imm. 1 aama 2 naapertorlugit sulinngiffeqarnermi akissarsiat naatsorsorneqassapput pineqartup nalinginnaasumik piffissaq suliffia nalinginnaasumillu nal. akunnermusiai tunngavigalugit.

**Imm. 7.** Sulinermik inuussutissarsiutillit SIK-p immikkoortortaqarfiini siulersuisunut ilaasortat SIK-llu siulersuisuunerinut ilaasortat sulianut tunngasunik suliaqarniarlutik akissarsiaqaratik sulinngiffeqarnissaminnik kissaataat akuersaarneqartariaqarput. Tamatumunnga atatil-lugu ukioq ataaseq sulinngiffeqartitsisoqarsinnaavoq.

## **§ 14 - Aaqqiagiinngissutit kinaassusersiortumillu soraarsitsinerit**

Aaaqqiagiinngissutit illua-tungeriit tunngaviusumik isumaqatigiissutaanni maleruaqqusat malillugit suliarineqartassapput.

**Imm. 2.** Inuit ataasiakkaat soraarsinnejqarsinnaanerannut pisinnaatitaaffiup atorneqarnerani kinaassusersiortoqartassanngilaq. Tamanna pillugu aaqqiagiinngissutit tunngaviusumik isumaqatigiisummi siuliani taaneqartumi malittarisassat malillugit suliarineqartassapput.

## **§ 15 - Sulisut sinniisoqarnerannik malittarisassat**

Sulisut siinnisaat pillugit illuatungeriit isumaqatigiissutaat 1. april 2019-imeersoq innersuussutigineqarpoq.

## **§ 16 – Tunngaviusumik akissarsiat**

**Lærlinginut tunngaviusumik akissarsiat nal. Akunneranut imatut annertussuseqarput:**

Akunnermusiat	1.april 2023-mit	1. april 2024-mit	1. pril 2025-mit
	Akunnermut Kr.-it.	Akunnermut Kr.-it.	Akunnermut Kr.-it.
Qaammatit pingasut	37,43	42,43	44,93
Ukioq ilinniarfik 1	48,18	50,68	53,18

Ukioq ilinniarfik 2	59,42	61,92	64,42
Ukioq ilinniarfik 3	70,96	73,46	76,91
Ukioq ilinniarfik 4	74,76	77,26	79,76
Ukioq ilinniarfik 5	78,45	81,45	83,95

**Sulinermik inuussutissarsiutillit allat:**

Ukiut isumaqatigiissuteqarfiit	18. april 2013-mit	1. april 2024-mit	1. april 2025-mit
	Akunnermut Kr.-it.	Akunnermut Kr.-it.	Akunnermut Kr.-it.
Suliamik ilinniagaqanngitsut 18-it inorlugit ukiullit	47,57	48,57	49,57
Suliamik ilinniaqanngitsut 18-it qaagerlugit ukiullit	98,56	100,56	103,06
Suliamik ilinniagaqartut	115,91	117,91	120,91

## **§ 17 - Qaangiuttoornerit**

Qaangiuttoornerit sapinggisamik pinaveersaartinneqartassapput. Nalinginnaasumik suliffisaq qaangerlugu, tassa ullaat 14-it ingerlanerini nal. akunneri 80-it sinnerneqartillugu, takuuk § 2, qaangiuttoortoqartillugu, tamannalu qaangiuttoornertut peqqussutigineqarsimappat nakkutigineqarsimappallu, nal. akunnermusiaq taperneqartassaaq. Taperititassaq nal. akunnerinut tamanut tunngaviusumik akissarsiat § 16-imni taaneqartut 50 %-erissavaat, kisiannili lærlinginut taperititaq suliamik ilinniagaqanngitsut 18-ileereersut tunngaviusumik akissarsiaasa 50 %-iinik annertussuseqassaaq:

Qaangiuttoornermut tapisiat	1. april 2023-mit	1. april 2024-mit	1. april 2025-mit
	Akunnermut Kr.-it.	Akunnermut Kr.-it.	Akunnermut Kr.-it.
Lærlinginut ukiut Ilanniarfíut Apeqquataatinnagu	49,28	50,28	51,53
Suliamik Ilanniagaqanngitsut 18-it inorlugit ukiullit	23,79	24,29	24,79
Suliamik Ilanniagaqanngitsut 18-it qaagerlugit ukiullit	49,28	50,28	51,53
Suliamik Ilanniagaqartut	57,96	58,96	60,46

**Imm. 2.** Sulinermik inuussutissarsiutillit piffissamit akissarsiorfimmit sivikinnerusumik atorfeqarsimasut piffissaq akissarsiorfiat naatsorsorneqartassaaq ullormut nal. akunnerinik arfineq pingasunik, taamaattorli sap. akunneranut nal. akunnerinik 40-nik.

**Imm. 3.** Qaangiuttoornissaq ullomi qaangiuttoorfissami nalinginnaasumik suliffiup naanis-saa kingusinnerpaamik nal. akunnerinik tallimanik sioqqullugu ilimasaarutigineqareertas-saaq. Ilimasaarutigineqarsimanngikkaangat nal. akunneri qaangiuttoorfiorpiartut qaangiuttoornermik nal. akunneranik ataatsimik ilaneqartassapput.

**Imm. 4.** Qaangiuttoornerit nalinginnaasumik suliffiup nalinginnaasumik sivisussusanut naleqqiullugu ikinnerpaamik nal. akunnerinik sisamanik amerlanerugaangata nal. akunneri qaangiuttoorfiorpiartut qaangiuttoornermik nal. akunneranik ataatsimik ilaneqartassapput.

**Imm. 5.** Sulinermik inuussutissarsiutilik suliffini qimareerlugu ulluniluunniit sulinngiffimmini suliartoqquneqaruni minnerpaamik nal. akunnerini sisamani akissarsiassanik akilerneqas-saaq.

## § 18 - Sapaatini nalliuutunilu tapisiat

Sapaatini nalliuutunilu sulinerni tunngaviusumik akissarsianut tapeqartitsisoqartassaaq. Tapisiat nal. akunnerinut tamanut tunngaviusumik akissarsiat § 16-imni taaneqartut 50 % -erissavaat, kisiannili lærlinginut suliamik ilinniagaqanngitsunut 18-inik ukioqalereersunut tunngaviusumik akissarsiarititat 50 % -erissallugit:

Sapaatini nalliuutunilu tapisiat	1. april 2019-mit	1. april 2020-mit	1. april 2021-mit
	Akunnermut Kr.-it.	Akunnermut Kr.-it.	Akunnermut Kr.-it.
Lærlinginut ukiut Ilanniariit apeqquaatinnagit	49,28	50,28	51,53
Suliamik Ilinniagaqanngitsut 18-it inorlugit ukiullit	23,79	24,29	24,79
Suliamik Ilinniagaqanngitsut 18-it qaagerlugit ukiullit	49,28	50,28	51,53
Suliamik Ilinniagaqartut	57,96	58,96	60,46

Qaangiuttoortoqarpat, takuuq § 17, imm. 1 naapertorlugu qaangiuttoornersisitsisoqassaaq.

**Imm. 2.** Ullut uku nalliuuttutut naatsorsuunneqarput:

- Ukiortaaq, 1. januaari.
- Kunngit pingasut (nal. 12 kingorna), 6. januaari
- Sisamanngorneq illernartoq,
- Tallimanngorneq tannaartoq,
- Poorskip ullua Poorskullu aappaa,
- Nunani tamalaani sulisartut ulluat 1. maaji (ulloq naallugu),

- Tussiarfissuaq,
- Qilaliarfik,
- Pinsep aappaa
- Kalaallit Nunaanni inuiattut ullorsiorneq, 21. juuni,
- Juulliaraq, 24. decembari,
- Juullip ullua, 25. decembari,
- Juullip ulluisa aappaat, 26. decembari,
- Ukiutoqaq, 31. decembari.

### **§ 19 - Nalliuttuni ulluinnartigoortuni tapisiat**

Nalliuttutut ulluinnartigoortutut naatsorsuunneqarput nalliuttut § 18, imm. 2-mi taaneqartut, sapaat nalerunngikkaangassuk.

**Imm. 2.** Ima aningaasartalinnik nalliuttunut ulluinnartigoortunut tapisiaqartitsisoqartassaaq:

	<b>Nalliuttunut ulluinnartigoortunut ilivitsunut</b>	<b>Nalliuttunut ulluinnartigoortunut affarnut</b>
Ilinniartut, Suliamik  ilinniagaqanngitsut 18-it sinnerlugit ukiullit, Suliamik ilinniagaqartut	kr. 200,00	kr. 100,00
Suliamik  ilinniagaqanngitsut 18-it inorlugit ukiullit	kr. 100,00	kr. 50,00

taamatulli tapisiaqassagaanni uku marluk eqquutsinnejassapput:

- a) Sulinermik inuussutissarsiuteqartoq nalliuuttup ulluinnartigoortup siuninnguatigut Suliffimmi tassanerpiaq atasuinnarmik ulluni tallimani sulisimassaq.
- b) Sulinermik inuussutissarsiutilik nalliuuttoq ulluinnartigoortoq sioqqullugu kinguninguatigulluunniit unioqqutitsilluni sulinngitsoorsimassanngilaq.

**Imm. 3.** Nalliuuttumi ulluinnartigoortumi sulisoqarsimappat nalliuuttumut ulluinnartigoortumut akissarsisitsisoqassaaq imm. 2 naapertorlugu isumaqatigiissutit malillugit akissarsiat qaavisigut.

**Imm. 4.** Sulinermik inuussutissarsiutillit piffissap ilaannaanut sulisartut ulluni 14-ini nalingin-nnaasumik suliffissaatitaasumut naleqqiullugu nal. akunneri 40-t inorlugit nalinginnaasumik sulisimagunik nalliuuttunut ulluinnartigoortunut tapisiarissavaat aningaasat imm. 2-mi taaneqartut affaat.

## **§ 20 - Piffissami nikingasumi sulinermut tapisiat**

Piffissaq suliffik piffissat suliffissaatitaasut § 2, imm. 1-imi taaneqartut avataaniippat tunngaviusumik akissarsiat imatut tapeqartinnejassapput:

Ulluinnaat	00:00 – 06:00		17:00 – 23:00	23:00 – 24:00
Nal. ak.	Kr. 7,00		Kr. 4,00	Kr. 7,00
Arfininngorneq	00:00 – 07:00		14:00 – 23:00	23:00 – 24:00
Nal. ak.	Kr. 7,00		Kr. 7,00	Kr. 7,00
Sapaat	00:00 – 07:00	07:00 – 14:00	14:00 – 23:00	23:00 – 24:00
Nal. ak.	Kr. 7,00	Kr. 7,00	Kr. 7,00	Kr. 7,00

**Imm. 2.** Sapaammi sulinermi taakkua saniatigut sapaammi nalliuuttunilu sulinermut tapisiaqartitsisoqartassaaq § 18, imm. 1 naapertorlugu.

**Imm. 3.** § 17 naapertorlugu qaangiuttoortoqarpat taakkua saniatigut § 17, imm. 1 naapertorlugu qaangiuttoornersisitsisoqassaaq.

## **§ 21 - Paarlaattarluni sulinermut tapisiat**

Paarlaattarluni sulinermut tunngaviusumik akissarsianut tapisiaqartitsisoqartassaaq. Tapisiat nal. akunnerinut tamanut imaapput:

<b>Paarlaanneq 1 - Ullukkoorneq</b>	kr. 0,00
<b>Paarlaanneq 2 – Unnukkoorneq</b>	kr. 4,00
<b>Paarlaanneq 3 – Unnuarsiorneq</b>	kr. 7,00

**Imm. 2.** § 20 naapertorlugu piffissami nikingasumi sulinermut tapisiaqaatigaluni imm. 1 naaper-torlugu paarlaattarluni sulinermut tapisiaqartoqarsinnaanngilaq.

**Imm. 3.** § 17 naapertorlugu qaangiuttoortoqarpat § 17, imm. 1 naapertorlugu qaangiuttoornersisitsisoqassaaq.

**Imm. 4.** Paarlaannerit aappaanni pingajuannilu nal. akunnerisa 40-t anguneqarneri tamaasa pissariarineqassaaq akissarsiaqarluni nal. akunnerini marlunni sulinngikkallarsinnaatitaaneq, taakkulu sulisitsisup sulinermillu inuussutissarsiutillip, sulisut sinniisaat aqqutigalugu isumaqatigiissuteqarnerat tunngavigalugu katarsorneqarlutik ullortut sulinngiffittut ilivitsutut atorneqartassapput. Paarlaannerit aappaanni pingajuannilu sap. akunnerata ulluisa ilaannaanni sulinermi piffissamut suliffigisimasamut naapertuuttumik sulinngikkallarfissaq pissariaineqartassaaq.

## **§ 22 - Akkorderluni sulineq**

Illuatungeriit isumaqatigiissutigaat suliat akkorderluni suliarineqarsinnaasut akkordernertullu akilersorneqarsinnaasut. Tamanna pisinnaanngikkaangat § 23 naapertorlugu tapisiaqartitsisooqartassaaq.

**Imm. 2.** Suliffeqarfinni ataasiakkaani akkorderluni sulinermi akissarsiassanik aaqqissuus-sinerit akissarsisitseraatsillu (bonussystem) sulisitsisup sulisullu sinnisaata, taassumaluun-niit taartaata, akornanni isumaqatigiissutigineqartassapput. Taakkua isumaqatigiinniutigine-rini sulisut sinnisaata piumasarisinnaavaa SIK-p immikkoortoqarfiani siulersuisut sinnisaan-nik peqataasoqarnissaa.

**Imm. 3.** Suliffeqarfinni ataasiakkaani akkorderluni sulinermi akissarsiassanik aaqqissuus-sinerit sulisut sinnisaannit taassumaluunniit taartaanit sulisitsisumillu atsiorneqartassapput, allatullu isumaqatigiittoqarsimanngippat atuuttussaapput illua-tungeriit arlaannit qaammammik ataatsimik sioqqutsisumik ilimasaarereernikkut atorunnaarsinneqarnissamik tungaannut. Atorunnaarsitsinissamik ilimasaarutip naareernerani illua-tungeriit tamarmik pisinnaatitaapput isumaqatigiissut atuuttoq malillugu nal. akunneranut akissarsiaqartitsineq tunngavigalugu suliap ingerlateqqunissaanut, tamanna sioqqullugu isumaqatigiinniarnikkut suliffeqarfimmut nutaamik isumaqatigiissuteqartoqarsimanngippat. Akkorderluni sulinermi akigititassat atsiukkat kiisalu akkorderfiusussat nalunaarsorsimaffii S.I.K.-mut ilisimatitsis-sutitut nassiunneqartassapput.

**Imm. 4.** Akkordernermi akissarsiarititassat ullormut akissarsiffissamut naammassillugit naatsorsorneqarsinnaanngikkaangata akkorderluni sulinermi siumoortumik akissarsisitsisoqartas-saaq sulinermik inuussutissarsiutillip pineqartup tunngaviusumik akissarsiaatut annertussu-silinnik.

**Imm. 5.** Allamik isumaqatigiissuteqartoqarsimanngikkaangat ataatsimoorluni akkordernermi akissarsiassat agguanneqartassapput nal. akunneri akkordernermi pineqartumi peqataasut ataasiakkaat suliffigisimasaat tunngavigalugit.

**Imm. 6.** Lærlingit akkordernermi peqataagunik akkordernermi peqataaneri akkordernermilu sinneqartoorutinik pissarseqataanerit naatsorsorneqartassapput nal. akunneri suliffigisatik, imm. 5-imi taaneqartut akkordernermi peqataasut tunngaviusumik akissarsiaannut naleq-qiussat, naapertorlugit.

**Imm. 7.** Akkorderluni sulinermi tunngavissaatinneqarpoq sulisartut nalinginnaasumik sakkugisartagaasa saniatigut atortussat sakkussallu iluaqtissat atorneqalernerminni tigoriaannaassasut. Piffissat utaqqiffiusut, atortussat sakkussallu iluaqtissat angallan-neqarnerat kiisalu akornutit sillimaffigeriinngisat pissutigalugit kinguaattoornerit sulinermik inuussutissarsiutillet ataasiakkaat nalinginnaasumik nal. akunnermusiaasa nalinginik akilerne-qartassapput. Suliap ingerlanneqarnerata nalaani akkorderluni sulineq sulisitsisup piumasaan malillugu allanngortinneqarpat, allanngortitsinerup kingunerisaanik immikkut piffissaajaa-tigisamut sulinermik inuussutissarsiutilik nalinginnaasumik nal. akunnermusiaasa nalinginik akilerneqartussaavoq.

### **§ 23 - Akkordersinnaannginnermut tapisiat**

Sulianut akkordernertut ingerlanneqanngitsunut akkordersinnaannginnermut nal. akunnera-nut imatut tapisiaqartitsisoqassaaq:

Akkordersinnaannginnermut tapisiat	Nal. ak.
Lærlingit ukiut ilinniarfiit apeqqutaatinnagit	kr. 0,00
Suliamik ilinniagaqanngitsut 18-it inorlugit ukiullit	kr. 5,40
Suliamik ilinniagaqanngitsut 18-it qaagerlugit ukiullit	kr. 7,00
Suliamik ilinniagaqartut	kr. 8,00

## **§ 24 - Sulinermik unitsitsinerit**

Sulinermik inuussutissarsiuteqartoq sivikinnerpaamik ulluni 30-ni suliffeqarfimmi sulisuuismasoq silalu pissutigalugu suliaminik pilersaarutaareersunik ingerlatsisinnaanngitsoq suliamullu allamut innersuunneqarsinnaanngitsoq, nalinginnaasumik suliffiup aallartinnerani angerlartinneqarsimagaluaruniluunniit piffissap ullormut suliffissap nalinganut nalinginnaasumik nal. akunnermusiaminik akissarsisinneqassaaq.

**Imm. 2.** Lærlingilli sila pissutigalugu sulinnginnerni imm. 1-imí aalajangersagaq apeqqutaa-tinnagu akissarsiassaqartuarput.

**Imm. 3.** Sulinermik inuussutissarsiutillit ullut 30-it inorlugit suliffeqarfimmi sulisuuimasut suliartoqquneqarsimagaluarlutik sila pissutigalugu angerlartitaasut piffissap suliffigerpiar-simasamik nalinganut akilerneqassapput, minnerpaamilli nal. akunnerinut sisamanut.

## **§ 25 - Sulianoqquneqaratarsinnaanermut tapisiaq**

Sulinermik inuussutissarsiutillit nakkutigineqarsinnaanngitsumik nakkutigiuminaatsumilluuniit suliallit akiliutinut makkununnga taarsiullugu suliartoqquneqaratarsinnaanermut tapisiaqartinneqarsinnaapput:

- a) qaangiuttoornernut atatillugu akiliutit § 17-imí taaneqartut,
- b) sapaatini nalliuutunilu sulinermut akiliutit § 18-mi taaneqartut, kiisalu
- c) piffissami nikingasumi sulinermut akiliutit § 20-mi taaneqartut.

**Imm. 2.** Sulianoqquneqaratarsinnaanermut tapisiap annertussusissaa sulisitsisup, sulisartup taassumalu sinnisaata akornanni isumaqatigiinniareernikkut aalajangersarneqassaaq. Tapisiap annertussusissaa sulisitsisup sulisartullu isumaqatigiissutigisinnaanngippassuk suliassaq illua'tungeriit akornanni isumaqatigiinniutissatut suliassiissutigineqarsinnaavoq.

## **§ 26 - Immikkut tapisiat**

Immikkut ittunik pissutissaqartoqartillugu sulisitsisup sulisullu sinnisaata isumaqatigiinnareernerisigut sulinermik inuussutissarsiutilik inuttut immikkut tapisiaqartinneqarsinnaavoq.

**Imm. 2.** Suliffeqarfimmi sulisut sinnisoqannngippata, aammalu sulisup sulisitsisullu inuup nammineq tapisiai isumaqatigiissutigisinnaanngippatigit, isumaqatigiinniarnermi sulisoq sumiiffimmi SIK-p immikkoortortaqarfianiit ikiorneqarsinnaavoq. Isumaqatigiittoqanngippat suliaq SIK-p aamma GE-p akornanni aalajangigassanngorlugu suliassanngortinnejassaaq.

## **§ 27 - Soraarnerussutisiassanut akiliutissat taakkualu akilerneqartarneri**

Sulinermik inuussutissarsiuteqartup aamma soraarnerussutisiassanut akiliutitut sulisitsisup Sulinermik Inuussutissarsiuteqartut Soraarnerussutisiaqalernissamut Aningaasaateqarfian-nut SISA-mut akilertassavai:

1. april 2023-miit: Tunngaviusumik akissarsiat 8,9 %-iat, takuuk § 16 sulinermik inuussutissar-siutilimmut 18-inik ukioqalersimasumut sinnerluguluunniit ukiulimmut.

1. april 2025-miit: Tunngaviusumik akissarsiat 10 %-iat, takuuk § 16 sulinermik inuussutissar-siutilimmut 18-inik ukioqalersimasumut sinnerluguluunniit ukiulimmut.

Lærling-inut aamma soraarnerussutisiassanut akiliuteqartoqassaaq.

	<b>1. april 2023</b>	<b>1. april 2024</b>	<b>1.april 2025</b>
<b>Sulisitsisup soraarnerussiassanut akiliutai</b>	8,9 %	8,9 %	10 %
<b>Lærlingit</b>	<b>Kr. pr. time</b>	<b>Kr. pr. time</b>	<b>Kr. pr. time</b>
Qaammatit pingasut siullit	3,55	3,78	4,49
Ukiup Ilinniarfiusup 1-ip sinnerani	4,29	4,51	5,32

Ukiup Ilinniarfiusup 2-ani	5,29	5,51	6,44
Ukiup Ilinniarfiusup 3-ani	6,32	6,54	7,60
Ukiup Ilinniarfiusup 4-ani	6,65	6,88	7,98
Ukiup Ilinniarfiusup 5-ani	7,03	7,35	8,40
Suliamik ilinniagaqanngitsoq 18-it qaagerlugit ukiulik	8,77	8,95	10,31
Suliamik ilinniagaqartut	10,32	10,49	12,09

**Imm. 2.** Soraarnerussutisiaqalernissamut akiliutit imm. 1-imik taaneqartut saniatigut suliner-mik inuussutissarsiuteqartoq sulisitsisumit soraarnerussutisiassaqartinneqarsinnaanngilaq ikorsiissutisisinnaananiluunniit.

## § 28 - Soraarsitsinermik / soraarnermik nalunaarnissamut piffissarititat

Qaammatip atorfeqarfiusup siulliup ingerlanerani sulisitsisoq sulinermilluunniit inuussutis-sarsiuteqartoq atorfeqarnerup atorunnaarsinnissaanut atatillugu ilimasaarinissaminut pisussaatitaanngillat. Tamatuma kingorna makku atutissapput:

	Sulisitsisumit	Sulinermik inuussutissarsiuteqartumit
<b>Suliamik ilinniagaqanngitsut</b>		
Ukiup atorfeqarfiusup 1-ip sinnerani	Sap. ak. 2	Ullut 3
Ukiuni atorfeqarfinni 2-mi, 3-mi 4-milu	Sap. ak. 3	Sap. ak. 1
Tamatuma kingorna	Sap. ak. 4	Sap. ak. 1

Suliamik ilinniagaqartunut		
Ukiup atorfeqarfiup 1-ip sinnerani	Sap. ak. 2	Ullut 3
Ukiuni atorfeqarfinni 2-mi, 3-mi 4-milu	Sap. ak. 4	Sap. ak. 2
Tamatuma kingorna	Sap. ak. 6	Sap. ak. 3

**Imm. 2.** Soraarsitsinermik / soraarnermik ilimasaarinissamut piffissarititat imm. 1-imiittut sulinermik inuussutissarsiutilinnut piffissani taaneqartuni suliffimmi tassanerpiaq ataannartumik sulisimasunut atuupput. Pissutsilli makku sulinermik kipititsinertut naatsorsuunne-qanngillat:

- a) napparsimaneq nal. akunneri 24-t ingerlareersinnagit suliffeqarfimmut ka-lerriunneqartoq,
- b) naartuneq, ernineq qitornavissiartaarnerlu pillugit Inatsisartut peqqussu-  
taat naapertorlugu sulinnginnej, imaluunniit
- c) maskiinat unittoornerat, atortussanik amigaateqarneq taamaaqataalluun-  
niit pissutigalugit sulinerup kipitinneqareernerani sulinermik inuussutissar-  
siuteqartup neqeroorfigineqarnini tunngavigalugu sulinini ingerlateqqiler-  
pagu,
- d) sulisitsiup sulinermillu inuussutissarsiuteqartup isumaqatigiissuteqarnerat  
tunngavigalugu suliffeqarfimmi tassanerpiaq immikkoortortaqrarfimmiit  
immikkoortortaqrarfimmut allamut nuutsitaasoqartillugu.

**Imm. 3.** Piffissaq sulisitsisup ilimasaarisussaaffia atorunnaassaaq sulinermik inuussutissar-  
siuteqartoq atorfeqartitaanerminik sumiginnaappat.

**Imm. 4.** Aamma ilimasaarisussaatitaaneq atorunnaassaaq maskiinat unittoornerat, atortusanik amigaateqarneq ilimagereersinnaanngisalluunniit allat, ingerlatsinermik tamakkiisumik ilaannakortumilluunniit unitsitsisut pissutigalugit suliffigisami sulisoqarsinnaajunnaalarlarpat.

**Imm. 5.** Sulinermik inuussutissarsiuteqartup taamatullu sulisitsisup soraarniutini soraartsissutissaniluunniit allaganngorlugu nalunaarutigissavaa.

## **§ 29 - Piffissaq isuma qatigiissutip atuuffissa**

Isumaqtigiissut una atortuulerpoq 1. april 2019-mit. Isumaqtigiissut illua-tungeriit arlaannit atorunnaartussangortinneqarsinnaavoq qaammatinik pingasunik ilimasaarilluni 31. marts atorunnaartussanngorlugu, taamaattorli siusinnerpaamik 31. marts 2022-imi.

**Imm. 2.** Isumaqtigiissutip atorunnaartussanngornerata kingorna nutaamik isumaqtigiissuteqarnissap tungaanut akissarsiaqartitsisoqassaaq akissarsiat 31. marts 2022 atuuttut malillugit.

**Imm. 3.** Aammattaaq Kalaallit Nunaanni Sulisitsisut isumaqtigiissut una aqqutigalugu piareersimavoq ilaasortani peqqussallugit SIK-mi ilaasortat sallitillugit sulisorisaqqullugit.

Isumaqtigiissutip matuma isumaqtigiissutigineqarneratigut una atorunnaarsinneqarpooq Kalaallit Nunaanni Sulisitsisut peqatigiiffiat aamma Sulinermik Inuussutissarsiuteqartut Kattuffiata akornani isumaqtigiissutaat maajip 3-ani 2019-meersoq:

- Tunisassiortut.
- Sulisut nalunaaquittap akunnermusiallit Sanaartortut, VVS & Innaallagisserisut Entreprenørillu.

Nuuk, ulloq 2023

Sulinermik Inuussutissarsiuteqartut Kattuffiat sinnerlugu

Sulisitsisut sinnerlugu

---

Jess G. Berthelsen

Siulittaasooq

Christian Keldsen

Direktør-i